

821
2-45.

NIYATILLO ELBEK O'G'LI

BIRINCHI KITOBIM



KO'NGILMDAGILAR



SHE'RLAR

Книга должна быть
возвращена не позже
указанного здесь срока

Количество предельных
выдач _____

--	--

324
af
206
1756

6.21
K-115
- 1370 -
O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI
1-FILIALI



TOSHKENT
"ADABIYOT"
2020

O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI

She'rlar

O'Z O'NG'IMDAGILAR

NIVATILLO ELBEK O'G'LI

O'ZBEKISTON Yozuvchilar uyushmasi
"Ibod" jamoat fondi

Nashr uchun mas'ul:
Nodir JONUZOQ.

*O'zbekiston Yozuvchilar uyushmasi raisining ijodiy ishlar
bo'yicha birinchi o'rinbosari*

Mas'ul muharrir:
Halima AHMAD

Ushbu kitobda Niyatillo Elbek o'g'lining samimiy ko'ngil chiziqlariga, vijdon shakliga ko'zingiz tushadi. "Ko'nglimdagilar" nomi ostida chop etilgan mo'jazli kitob o'quvchisini bepoyon kengliklardan olib o'tib shahar tomon yetaklaydi. Shudringli tongdan to shafaqqa eltuvchi uzun qalb yo'lini shirin xayollar bilan poyl yoda kezib o'tasiz.

*Ushbu kitob 2019-yili O'zbekiston Yozuvchilar uyushmasi
she'riyat kengashi tomonidan nashrga tavsiya qilinib,
"Ijod" jamoat fondi tomonidan moliyalashtirilgan.*

ISBN 978-9943-6779-9-9

© N. Elbek o'g'li, 2020
© "Adabiyot", 2020

NIYATI EZGU QALAMKASH

Shoiriari ko'p millatning armoni katta bo'ladi va yana orzulari armonidan ham ulug'roq bo'ladi. Shoiriar xalqing bag'ri so'zonidan tug'iladilar. Xalqimizda har nafasda bir shoir tug'ilayotgandek go'yo...

Niyatillo ham o'z nomi bilan ezgu so'z aytmoqqa chog'langan ekan, uni qutlamoq kerak. "Ko'nglimdagilar" kitobiga kirgan she'rlari yosh shoirning o'z qalbini kashf qilishga intilish, jonsarak ko'nglini goh daryoga, goh sahroga talpintirayotgan o'jar tuyg'ularining hosilasidir.

Bir she'rida u:

*Men baxtni his qilay ko'z yosh bilan ham,
Dunyoga yolg'ondan kulib charchadim, –*

deydi.

Sezdim, Niyatillo mardonalkni suyadi.
O'zi aytmoqchi:

*Tugamaydi hech qachon o'yin,
Men g'alaba qilmagunimcha...*

Rostgo'ylikni, mardonalikni suyg'an yosh qalamkash, agar o'zidan adashmasa, mashhurlikka berilmasa, katta shoir bo'ladi.

Shu yo'lda Niyatilloga mardona, farzona aytilmar yor bo'lishini tilab qolamiz.

Halima AHMAD,

*O'zbekiston Yozuvchilar uyushmasi a'zosi,
shoir.*

O'RINDIQ

Ko'milgancha betakror ishqqa,
Xayollarga berilib sokin,
Qanday go'zal o'tirardik biz,
O'rindiqda halovat hokim!

Gumonlarni itqitib chetga,
Unutganicha dunyo o'yini,
Nigohimiz jim so'zlashardi,
Biz tinglardik ishqning kuyini.

Tamom. Qonun buzilgan edi,
Uzilgandi uzviylik to'liq.
Zamin uzra faqat qolgandi
Dunyo, biz va yolg'iz o'rindiq.

Ishq portlardi ko'zlarda moviy,
Olov edi tuyg'ularimiz.
Qalbimizda ishonch ilohiy,
Labimizda kulgularimiz....

Rishtalar pok nurli bir tongdek,
Xayollar ham samoviy tiniq.
Orzu edi kamalak rangda,
Baxtdan tortar edik xo'rsiniq.

Vaqlar o'tdi, o'zgartib ketdi,
Jim yig'iga yangroq kulguni,
Yomon ko'zdan berkiti olmay,
Boy berdik biz o'shal tuyg'uni.

Teng ikkiga bo'lindi samo,
Endi baxt yo'q, soqovdir izhor.
Ta'rifi ko'z tekkan sevgi,
Tik ikkiga bo'lingan ishq bor.

Endi qonun hukmron tamom,
Ketmoqlik bor, ammo qaytmog' yo'q.
Aytilganimiz... negadir hamon
Bizni qo'msar o'shal o'rindi.



AXIR, BUGUN SEN TUG'ILGAN KUN!

Ko'zingdan yulduzlar porlagan mahal,
Zaminda g'alayon ulg'aygan tongda,
Oy yerga suqlanib qaragan mahdal,
Axir, sen tug'ilgan eding shu onda.

Gullarning hasadi kelgandi chunon,
Yaratgan do'ndirib qo'ygan labingga,
Shundan timso'lsam husning har qachon,
G'unchalar yoqmagay sening ta'bingga.

Yuzing oydinligin, osudaligin
Mohga qiyos etsam, qilgaysan araz.
O'zing ayt bo'lmasa, qaydan tug'ilgan
Bundayin latofat, bundayin oraz?!

Ha, o'shal lahzada! Xayol qilaman,
Osmundan yog'dular to'kilgan duv-duv,
Ha, o'sha lahzada! Aniq bilaman,
Tunning ko'zlaridan qochgandir uyqu!...

Tushimda ko'rganman? Aniq bilmayman,
Balki, xayolimda shundayin surat.
Go'zalsan! Hech qachon inkor qilmayman,
Lekin topolmasman qarshingda jur'at...

Va mana! Xayollar butkul parishon,
Vasling yuraginga boshlaydi hujum.
Shundayin o'zgacha bo'ladi, ishon,
Axir, axir, bugun sen tug'ilgan kun!!!

KETDIM

Ketdim...
Seni tashlab xayollar bilan,
Ko'klardan tushganding, ko'kka sovurdim.
Va yana javobsiz savollar bilan
Tirik xotiralar bilan ovunding.
O'ti hislaringni topa olmay tang,
Shamol shivirida hech ne sezmayсан.
Yelkasida pidjak ildirib olgan –
Kimnidir ko'rganda meni eslaysan.



UZRDAN KEYIN

...So'ng nuqta qo'yildi uzrdan keyin,
Qo'rqding ishqqa to'la ko'zimga boqib.
Va ketding qaytilib jim, indamayin,
Telba g'ururingga ko'zmunchoq taqib.
Achchiq yolg'onlarni yutamiz ichga,
Yuraklarni aldab yashaymiz har on.
Nigohlar kesishgan paytda ham hatto,
Xuddi sevmaganday o'tamiz, ishon.

TANLOV

Ikki dunyo saodati deb,
Yolg'onlarni ermakka yo'yib,
Qalb yo'lga birga chiqqandik,
Muhabbatni o'rta qo'yib.
Nima bo'ldi, nimalar bo'ldi,
Sen dunyoni talashib ketding.
Yuraginga yetay deganda
Nafs yo'lga adashib ketding...

ONA QISHLOQ

Qaytdim senga, o, ona qishloq,
G'uborlarim ketsin sochilib.
Onam meni sog'inar mush-toq,
Otam kutar izdosh lochinin.

Senda qolgan doimo yodim,
Shahar yo'lim to'sgani-to'sgan.
Axir, sening bolangman-ku men,
Daryodek keng qalbingda o'sgan.

Qish. Izg'irin, zulmat kechalari,
Mehrimg taffi portlab turadi.
Olislardan tushlarimda ham
Sog'inch hissi chorlab turadi.

Zeriktirar soxta ta'zimlar,
Atrofimda yasama kibor.
Shu on seni eslayman, axir,
Samimiylik senda ulug'vor.

Loyusuvog tom. Yomg'ir, loy ko'cha,
Sodda uylar, betakror dillar.
Yuragimning chandiglariday
Qadoq qo'llar, mastura qo'llar.

Suv sepilgan rayhon supalar,
Dil erkiga bo'ysunar aqlim.
Tortib ketib shoirligimga,
Qo'msay boshlar qishloqi qalbim.

Bari go'zal, bari betakror,
Tonglaringda qushlar kulgisi.
Sog'inganim yana beg'ubor,
Tandirlardan kelgan non isi...

Tashvishlardan charchatasa shahar,
Shovqinlari bermasa orom
Men o'zingga qaytaman, shunda
Poklab qo'ygin qalbimni mudom!



BOLALIK

Poshsholigim, beqarorligim,
Soxtalikni tanimas yuzlar.
Jilovini bermas asovdek
Dunyolarga sig'magan hislar.

Qum o'ynardik, qumda ko'milgan,
Ko'chalarda birga qolardik.
Ariqlarda birga cho'milgan
Oqib ketgan olis bolalik...

Gul terardik osuda ko'klam,
Onamga deb eng sof did bilan.
Dillaringiz pok edi tongdek,
Ko'zlarimiz oq edi tongdan.

Timim bilmas go'zal xayollar
Osmon qadar cho'zilgan edi.
Qanot edi bizga orzular,
Ko'zlar yerdan uzilgan edi.

Yorug' edi osmonlarimiz,
Kunga tashbeh topa olmasdik.
Yig'lasak ham, musaffo ko'zyosh,
Bunga tashbeh topa olmasdik.

O'ylamasdlik og'riq o'ylarni,
G'alvalardan xoli edik biz.
Shu vaqtlarni sog'indim juda,
Ne qilsak ham, bola edik biz.

Mushtlashsak ham hatto oraga,
Nafrat hech ham burun suqmasdi.
Suvdayin oq dillaringizga
Dardli kirlar sira yuqmasdi.

Birday bo'lgan erta-yu kechi,
Nola bo'lib qolgim kelyapti.
Katta bo'lish yoqmadi hech ham,
Bola bo'lib qolgim kelyapti.

Bizlardan xo'p toldi bolalik,
Ertak bo'lib qoldi bolalik...



APREL...

Samo
Bag'rim kabi kengdir, qalbim kabi bo'sh,
Tongda quyosh yolg'iz, tunlar oy jimdir.
Huvillagan ko'kda darbadar kezsam,
Ko'zim uchib borar, uchramas kimdir.

Aprel.
Zaminni qoplad bahor ohista,
Tabiat mudroqda, ko'zlarda g'ubor.
Kimdir gayerdadir uxlarni hamon,
O'zing uni sekin uyg'otib yubor.

Va yig'olmayapti, samo jim, tingan,
Ko'zim ummonida qurigandek sel.
Hamon intiq qildi ko'zin yoshiga,
Ruhim poklaguvchi yomg'ir bilan kel.

Aprel.
Hamon vujudimga kirolmas bahor,
Ammo qahratonga umrimni bermam.
Ichimni to'ldirgin, Tangrim, sujudga,
Yuragimdan chiqib ketguncha fevral.

Men kutdim, biz sevgan o'shal yomg'irni,
Samo bo'shab borar shamol dastidan.
O'zim g'amdan shartos yog'ilaman va
O'sha kimdir kelar yomg'ir ostida...

VATAN QOLAR

Ruh samoga chiqqanda,
Yerda faqat tan qolar.
Qalblarda esa mangu
Abadiy Vatan qolar.

Tarix ko'rgan jafolar,
O'tib ketgan daholar,
Deyishadi bobolar:
Abadiy Vatan qolar!

Yer aylanar naql bor,
Harki yurtida oqil bor,
Kelajakka daxldor
Abadiy Vatan qolar!

Kurashib xos mardlarga,
Yurtini bermay yotlarga,
Bizlardan avlodlarga
Abadiy Vatan qolar!

Ajdodlardan aks-sado,
Mangu madad ber, Xudo,
Mudom jonimiz fido,
Abadiy Vatan qolar.

YONINGGA

Bildim, jinoyatlar qilganman sodir,
Birtisi yengil-u, boshqasi og'ir,
Nafasim ichimga yutdim-u, oxir,
Bir shafolat istab keldim yoningga.

Dosh berdim haqsizlik zamoniga ham,
Tortdim har kun dilim tomoniga g'am,
Bu g'amlarga o'zing bergaysan barham,
Men adolat istab keldim yoningga.

Yanchilib ketmasdan dard dunyosida,
Yo'qolib ketmasdan vaqt daryosida,
Qo'rqaman afsuslar tavallosidan,
Zo'r himoyat istab keldim yoningga.

Ayamassan deya imkonlaringdan,
Abad umidvorman rizvonlaringdan,
Qalb to'la muhabbat ehsonlaringdan,
Mo'l saxovat istab keldim yoningga.

Hukmronlik qilar dilga yolg'izlik,
Men bilan hamrohdir ming bitta hadik,
Jism-u ruhiga erk kerak qullardek,
Men halovat istab keldim yoningga.

Aksing ko'zlarimda olamni bezar,
Yuragimda g'urur kishanin buzar,
Ikki dunyoyimni etguvchi go'zal,
Ishq, hidoyat istab keldim yoningga...

ULUG' TOG'

G'ururingiz ulug' tog' kabi
Sabotingiz qoyalaridek
Mustahkamdir, ota, qaddingiz,
Har to'siqda turolдингiz tik.

Menga o'rtaq sizning yo'lingiz,
Turibman-ku ko'zlarim yonib.
Tog' bo'laman bir kuni men ham,
Yukselaman sizga suyanib...



JANNAT ISI KELAR SIZDAN, ONAJONI!

Mehringiz taftida isinar jonim,
Oftob hissi kelar sizdan, Onajoni!
Siz-la baxtim totli, go'zal har onim,
Jannat isi kelar sizdan, Onajoni!

Duodan qolmaydi xushzaboningiz,
Uyim jannat – omon bo'lsa joningiz,
Halovat maskani erur yoningiz,
Jannat isi kelar sizdan, Onajoni!

Siz mening munisam, beozorginam,
Olisda bo'lsam gar, intzorginam,
Mening kamtarginam, xokisorginam,
Jannat isi kelar sizdan, Onajoni!

Farzanddan ortiqroq neni suydingiz?
Bolam deb ardoqlab, men deb kuydingiz,
Oq sut ila qalbga iymon quydingiz,
Jannat isi kelar sizdan, Onajoni!

Firdavsga yo'l erur onalar xoki,
Xizimatingiz qilay tirikman toki,
Yuzingiz hurlardek yorug' hatto ki,
Jannat isi kelar sizdan, Onajoni!

Yelkamda ko'tarib Haiga eltayin,
Solih bo'lib ulug' Tojga eltayin,
Ruhim allalagan, mayin yeldayin
Jannat isi kelar sizdan, Onajoni!

HAYRAT

Tafti qaynoq chiroyingizning,
Dilimizda eriydi qorlar.
To'rt fasl ham yuzlaringizga
Ifor sochib turar bahorlar.

Gul quchoqlar barmoqlaringiz,
Bir-birining sirin sotmaydi.
Hayratlanar buncha nafis deb,
Gullar sizni ehtiyotlaydi.



O'ZBEGIMNING QIZLARI

Vatanim gul bog'ida
Guldan shirin islari.
Yuragim ardog'ida
O'zbekimning qizlari.

Tuproq bo'lar devona,
Tegib ketga izlari.
Go'zallikda yagona
O'zbekimning qizlari.

Orzulari osmondir,
Oydan oydin yuzlari.
Har qaysi bir doston
O'zbekimning qizlari.

Chiroyi, bu hayodir,
Ta'rif yetmas, ayondir,
Ko'p tillarda bayondir
O'zbekimning qizlari.

Kundan yorug'dir yuzi,
Qalbin kecha-kunduzi,
Yuragimning yulduzi,
O'zbekimning qizlari.

Dilda sevgi shamoli,
Ko'z oladi kamoli,
Go'zal yurtim jamoli
O'zbekimning qizlari!...

AFSUS

Yillar – yo'llaridan adashgan dovdir,
Orzular – sovuqdan qurigan daraxt.
Biz o'sha daraxtda gulladik bir-bir
Va yerga to'kildik armondan karaxt.

Endi-chi, poyida ezg'ilar sog'inch,
Oyoqlar ostida toptalar qalblar.
Xazonga aylanar topolmay ilinj,
Afsusdan, afsusdan picchirlar lablar...



SALOMNI UNUTDIM...

O shahar, bunchalar behis, bemehr,
Toshkentni yoki bir toshdli, toshbag'ir?
Begona odamlar ichida, axir,
Men salom berishni unutib qo'ydim.

Salomim tushmasdi aslo tilimdan,
Iblislar tortdimi bugun qo'limdan,
Xizrlar chiqqandir, balki yo'limdan,
Men esa salomni unutib qo'ydim.

Ko'chalar g'uvillar, lek odamlar jim,
Jimlikka singaman, ingraydi dilim,
Qadamda qarzga botgaydir tilim,
Men salom berishni unutib qo'ydim.

Menga ta'lim berar doim oliygoh,
Lek insoniylikdan etmaydi ogoh,
Menga desa olim bo'lmaymami, volh,
Axir, salomimni unutib qo'ydim.

Yelkamga ortqilab qarzdorlik yukin,
Yerlarga qorishar nigohim sekin,
Shaharlik bo'lishni epladim, lekin
Men salom berishni unutib qo'ydim.

Qay yerga boroldim o'zimdian kechib,
Ollohim, ne sirlar sochding dilimga?
G'urur libosini tanimdan yechib,
Salomni qaytargin satang tilimga!

21 YOSHIMGA...

Armon ortar armon ustiga,
Kattalashib boraverar dard.
Kattalashib ketmoqda dunyo,
Yigirma bor to'kilar daraxt..

Gul davrimdan uzoqlashyapman,
Omad hamon yuradir ranjib.
Magsadimdan olishlab ketdim,
Yillarimga tushyapti ajin...

Yigirma bir, senga bir dunyo
Eskirgan dard olib boryapman.
Men qalb bilan yashayapman va
Yuragimdan qarib boryapman...

OTAMGA

Siz borsiz, sizdan ham kuchliman, ota,
Shunday bir fitratdan yorishgan ichim.
Sababi, qalbimda buyuk Robbim va
Yelkamda qo'lingiz borligi uchun!

Dilda sizdan ko'chgan olovli shahd bor,
Aytgan har so'zimda chaqmoq bor, ahd bor,
Menga farishtalar yasagan taxt bor,
Yelkamda qo'lingiz borligi uchun!

Bugun men qay tomon boshlasam yo'lim,
Bir nur porlab turar oydayin to'lin,
Istasam yulduzga yetadi qo'lim,
Yelkamda qo'lingiz borligi uchun!

Hayot janglariga tikka kulgayman,
Kurash bor qonimda hech yiqilmayman,
Mag'lublik ta'mini qanday bilmayman,
Yelkamda qo'lingiz borligi uchun!

Ko'zinga tik boqib kelolmas yovlar,
Mag'rur ruhimga hech berolmas do'lar,
Poyimga cho'kadi har qanday g'ovlar,
Yelkamda qo'lingiz borligi uchun!

Dunyo ham boshimni silaydi hatto,
Siz borsiz boshimda tutaman, axir.
Yelkamdan qo'lingiz olmang hech, ota,
Olsangiz, bir barg ham keladi og'ir...

SEN

Sen ifori mushkdan ham totli,
Va tomchidan shaffofsan, evoh!
Sening lutfing - ehsoni hayot,
Bir on nafas olmaslik gunoh!

Sen ko'rinnas dilbar go'zallik,
Seni dildan tuymoqligim - baxti!
Ishqqa o'rab nafis ismingni,
Shu ishq bilan suymoqligim - baxti!



BIR KELIB KET

Seni sevdim, ey gul, zulfizar,
Tanimda so'ng jonim qolguncha.
Ruhim ko'lkka yo'llamay kadar,
Bir kelib ket bahor kelguncha.

Yuragimda ishq rangli gilam
Tashrifingga intizor buncha,
To'shaladi sog'inchim bilan,
Bir kelib ket bahor kelguncha.

Bo'g'zingacha keldi bu g'ubor,
Oh, qismatning achchiq ta'mi bor,
Dimog'imga to'ldirib ifor,
Bir kelib ket bahor kelguncha.

Dilimdan yuv sog'inching ta'min,
Ko'zimdan quv hijroning g'amin,
Yangilamish sen-la bu zamin,
Bir kelib ket bahor kelguncha.

Nigohingda arazdan belgi,
Ey, lablari go'zal gulg'uncha,
Ko'zlarimda gullasin sevgi,
Bir kelib ket bahor kelguncha...

BIRINCHI MARTA

Terildi, nihoyat, tanish raqamlar,
Gudok yalinadi ming azob dardda.
Chaqiruv tugaydi, boshlanar g'amlar,
Yo'q. Javob bermading birinchi marta.

Endi yangramasmi ismim jarangi,
Yangroq kulgularga tortildi parda.
Yaqin ko'rinnomda qayg'uning rangi,
Yo'q. Javob bermading birinchi marta.

Xayrmi bu belgi, so'nggi nuqtami?
Uzoq jim turmasding, qolsang agarda.
Gudoklar to'xtadi, yurak to'xtadi,
Sen javob bermading birinchi marta.

Qayta teriladi shoshgancha raqam,
Osmo torayadi, yer qilar zarda.
Sen-chi, e'tiborsiz, o'ta xotirjam,
Ha, javob bermading birinchi marta.

Oniy chaqiruvlar yildek cho'zildi,
Dunyolar to'xtadi shu fursatlarda.
Tamoman uzildi, umid uzildi,
Sen javob bermading birinchi marta...

KO'NGLIMDAGILAR

Ko'zimga qorong'u ko'rindi borliq,
Ilon bo'lib chaqdi qo'ynimdagilar.
Ularg'a borimni etgandim tortiq,
Ko'nglimni qoldirdi ko'nglimdagilar.

Ishondim, aldashdi ko'zlarga boqib,
Umidim ketdilar yillarda oqib,
Qalbimda bir alam turibdi qalqib,
Ko'nglimni qoldirdi ko'nglimdagilar.

Kutmagan paytimda sinovlar keldi,
Yoshligim sovrub, shamollar yeldi,
Ko'zimga cho'p tiqdi, ko'ksimni tildi,
Ko'nglimni qoldirdi ko'nglimdagilar.

Otgan har bir o'qi qalbingga tegar,
Puling bo'lsa, boshin poyingga egar,
O'zin yaqin qilib ko'rsatgan jigar,
Ko'nglimni qoldirdi ko'nglimdagilar.

Mehr ulashganning yoniga bordim,
Jonning kerak desa, ko'ksimni yordim,
Dilim og'ritsalar, Xudoga soldim!..
Ko'nglimni qoldirdi ko'nglimdagilar.

Haqqa yaqin yursam, kulganlar bo'ldi,
Do'st degan tulkilar uzog'lab yurdi,
Qo'rqiblar o'tdilar men bosgan yo'lni,
Ko'nglimni qoldirdi ko'nglimdagilar.

Dardimni qog'ozlar ko'tardi, shukr,
Ko'rdim, ko'rgiliklar o'tardi, shukr,
Sofdil, yolg'on bilmas, soddagina, g'o'r
Ko'nglimni qoldirdi ko'nglimdagilar...



BIROVGA ISHONIB BO'LMAYDI

Yorijon, bu dunyo yarimi yolg'ondir,
Ishondim, ishondim, ishonchim sindi.
Aldandim, aldandim, yuragim gondir,
Hech kimga ishonib bo'lmaydi endi.

Odam ham iblisning birinchi saydi,
Shundan xato yo'lda yuribmiz daydi,
Yaratgan qoshiga boramiz qaytib,
Hech kimga ishonib bo'lmaydi endi.

O'zi baxt yarimdir, muhabbat yarim,
Ko'ngil qolib borar yashagan sarim,
Meni aldashadi ishonganlarim,
Hech kimga ishonib bo'lmaydi endi.

O, zamon jarlikka tomon surilgan,
Zamini zil ketgan, yo'li burilgan,
Suyagan ustuni qumdan qurilgan,
Hech nega ishonib bo'lmaydi endi.

Yorijon, dil qadri shuncha arzonmi,
Yolg'ondan sening ham yuraging qonmi?
"Sevdim" deganimga sen ham ishonmal
Hech kimga ishonib bo'lmaydi endi.

Yolg'onga ko'nikkan yurak yurakmas,
Yuraman chiroyli ertagimdan mast,
O'zimni aldashni boshladimmi, bas,
Boshqaga ishonib bo'lmaydi endi!

IRODA

Oyog'imdan chaldi xatolar,
Tik qolmoqqa yetmadi kuchim.
Tag'in qaddim tutdim, dunyoga
Kelmaganman yutqizmoq uchun.

Tuyulgandi bu janglar qiyin,
Mardlik ta'min bilmagunimcha.
Tugamaydi hech qachon o'yin
Men g'alaba qilmagunimcha!



KECHIKKAN SHE'R

She'rlarimni bog'ladi senga,
Yuragimni dog'lab ketgansan.
Axir, barcha xayollarimni
Kokilingga bog'lab ketgansan...

...Va hammasi sen bilan bitgan,
Bahor kelmay qo'ygan arazlab.
Sen-la yurgan xiyobonlardan
Men bahorni yuraman izlab.

Ammo bekor bo'ladi bari,
Xayolimda buzilgan ochun.
Kuz keladi har kuzdan keyin
Yetim qolgan muhabbat uchun...

Yuragimda yig'laydi sevgi,
Ko'zlarimdan tomchilar sog'inch.
Nigohimdan bezigan hasrat
Xazondan ham topolmas ovunch.

Xayolimda buzilgan ochun,
Ishq ko'ksimdan nishlar teradi.
Goh qovog'ing eslatib osmon
Laylakqorlar yog'ib beradi.

Izg'iringa solib xayolim,
Men kutarman qishni orziqib,
Qor gilamdek to'shalgan yo'llar,
Go'yoki sen kelarmisan deb.

Ammo,
ammo yana umidim uzilib,
Yuzlarimga xazonlar bitar.
Yuragimda muzlarni ko'rib
Qishlar mendan yuz burib ketar.

Ko'z ochaman sensiz tonglarga,
Yuzlarimni sabo siladi.
Men bahorni kutaman ilhaq,
Lekin yana kuzlar keladi...

Yana kuzning birinchi kuni...



DENGIZNI SEVASAN...

Sen dengizni sevasan, hayhot,
Xayolingda alvon yelkanlar.
Ertakchidek tuyular senga
Dengizlarni ko'rib kelganlar.

Men mavlari ulkan dengizman,
Boshim Senda, poyonim hadsiz.
Sensiz men eng mashhur yolg'izman,
Sog'inchlari cheksiz, sarhadsiz.

Telbalardek chayqalar ruhim,
Sen bir suluv, men bir to'pori.
Marvaridlar tutaman senga,
Agar kelsang ko'ksimni yorib.

Sen dengizni sevasan, tamom,
Bu his go'zal, bu his ko'p yaxshi.
Orzu nedir, bilarmi avom?!
Tushummaydi, baxtinga qarshi...

Nigohlaring savolga to'la,
Orzularga qo'shilar g'ayrat.
Mushtoqliging bilan biryo'la
Sog'inchlaring keltirar hayrat.

Tuyg'ular betutqich, beega,
Dunyolar tor keladir hisga.
Dengiz, o'yi qayerdan kelgan
Daryolarni ko'rmagan qizga?

Sen dengizni ko'rmogchisan, bas,
Haqiqatga aylanar tushlar.
Kelmoqdasan daraktaringni
Yetkazmoqda chag'alayqushlar.

Osmonlarga tutash bo'lsam ham,
O, ishqimning bo'yidan pastman.
Yo'llaringga mushtoqman, lekin
Tashrifingga tayyor emasman!

Sen dengizni sevasan, men-chi?!
Men! Dengizga aylanaman, keli
Yaqin qolding, ortar sevinchim,
Iforingni keltirmoqda yel.

Tushlaringni kezinasan teng,
Tun. Jimgina orom olasan.
Tong. Dengizga aylanaman, sen
Ummonlarni sevib qolasan!
Men sochilib ketaman tamom!

SIZMASMIDINGIZ?

Ayro bo'lib qoldi ishqimiz,
Armon yelin sezmasmidingiz?
Titrab ketdi ko'ngil ko'shkimiz,
"Sevdim!" degan sizmasmidingiz?

Siz ziyosiz dilim uyg'otgan,
Quyoshimsiz tong bo'lib otgan,
Nigohlari izhorin sotgan,
"Sevdim!" degan sizmasmidingiz?

Ko'zlaringiz nigohimga zeb,
Dunyolardan qo'yardek uzib,
"Men umrbod siznikiman" deb,
"Sevdim!" degan sizmasmidingiz?

"Baxti bo'l" deb, "daldalar" qilib,
Ketayapsiz zardalar qilib,
Bir umrlik va'dalar qilib,
"Sevdim!" degan sizmasmidingiz?

Endi hijron cho'lidasizmi,
Ko'zyoshimning do'lidasizmi,
"Yaratganing yo'lida sizni –
Sevdim!" degan sizmasmidingiz?

Sog'inganda kutib, axtarib,
Mensizlikda kuzmasmidingiz?
"Ishqingizda yuragin g'arib,
Sevdim!" degan sizmasmidingiz?

TILAK

Olohim qalbimni isloh qilib tur,
Dunyo xayolidan poklansin yurak.
Boshimni samodan qaro yerga bur,
Meni senga eltar manzillar kerak...

Ishonchdan asar yo'q dilda zig'ircha,
Hayratim – ko'zingda yo'qdir xavotir.
Duoda ojizdan-ojizsan buncha,
Lek gunoh qilganda botirsan, botir!

OTABEK MONOLOGI

Lolalar to'shayin poyingizga man,
Sizga ne ozorliq, ayting, Kumushim,
Birgina "qochqoq" deng, yuzimni tutay,
Beringiz kutmoqda, qaying, Kumushim.

Yo'limiz poylaydi bizni Marg'ilon,
Kundoshli shaharni tashlab ketamiz!
Yuring, go'zal yakun topamiz birga,
Yuring, go'zal ertak boshlab ketamiz!

Axir... axir, mushtoq kutvapti unda
Tanho malagini vodiy elingiz.
Ko'zlarida sog'inch ulg'ayar kunda,
"Ona" deb so'raydi Yodgorbegingiz!..
Fuzuliydan o'qing, unutay birpas
Begunoh bo'yochi qatlarini.
Aqlari sizning aqlingizchamas,
Bu yurtning "qo'g'irchoq, odillarini".

Eh jonim, kechiring, aybimdan o'ting,
Qay baloga tiqdim boshlaringizni?
Bu dunyoning razil kundoshlariga
Tupuring zaharli oshlaringizni.

CHARCHADIM...

Sochimdan ogimni terib charchadim,
Dunyoga borimni berib charchadim,
Oллоhim, yurakka bir taskin bergin,
Dunyoda bemaqsad yurib charchadim...

Qalbingga singdirgil halovat ta'min,
To'ldirma, mayliga, dunyoning kamin,
Ortiq ko'tarolmam ishqsizlik g'amin,
Oddiy sevgidan ishq qurib charchadim...

Qandayin go'zal his ilm-u toliblik,
Mudom arosatdan olis qolishlik,
Vijdonim tarafda qolsin g'oliblik,
Nafsimga to'siqar qo'yib charchadim...

Ming bir tashvishda ham qilgin xotirjam,
Qalb iymon bilmasa, yutib qo'yar g'am,
Men baxtni his qilay ko'z yosh bilan ham,
Dunyoga yolg'ondan kulib charchadim...

MUSLIM O'ZBEKMIZ

Bir hol doim avraydi dilni,
Buyuklarga bo'ldik izdoshlar.
Ammo endi o'zbek nomiga
Mos kelmaydi hozirgi yoshlar.

Ming shukrki, bizga o'zbeklik
Qolgan ota-bobodan meros.
E'tiqod va amalmiz yo'q
Va muslimiz nomiga, xolos.

Og'zimizda buzilgan so'zlar,
Baqirgaymiz otaga tikka.
Musulmoncha kiyim-ku, yo'q, lek
O'xshamaymiz hech yo'q o'zbekka.

Yashayapmiz dunyo dardida,
Chopib zamon ketidan hallos.
Na iymon bor turishimizda,
Na g'urur bor bobolarga mos.

Azaldan biz muslim o'zbekmiz,
Yarashmaymiz ikkisiga ham.
O'zbek bo'lib chekaman tashvish,
Muslim bo'lib tortadirman g'am.

Yarashiqsiz nomiga zotlar
Ko'paymoqda bu kun o'lkamda.
Oh, bu ikki nuqson har lahza
Ikki tog'dek o'sar yelkamda.

Bu jamiyat dardi tuzalgay,
Qachon tilda tugasa qarsak.
Qaytsak asl o'zbek holiga,
Muslim bo'lib yashay boshlasak!

langda botir jim kutar doim
Va oxiri keladi ustun.
Zaifligin bilgan zahoti
Qo'rqoq oldin ko'tarar mushtin...



XONLIK DAVRI

To'lib yotmish o'likka yo'llar,
Qonga botmish begunoh qo'llar,
Tirik qolmish Musulmonqullar,
Xonliq davri, sendan xafaman.

O'lim kelsa, jilmaya olgan
Otabegi sanoqli bo'lgan,
Har tomoni Homidga to'lgan
Xonliq davri, sendan xafaman.

Beaql xon, befahm a'yon
Avom xalqni boshlaydir gayon?
Sofdil millat bo'ynida chayon
Xonliq davri, sendan xafaman.

O'z qoningga qorishding qo'yding,
Bir-biringni sotishdan to'yding,
O'zing yoqqan gulxanda kuyding,
Xonliq davri, sendan xafaman!

Jalldolarning jallod qaroshi,
Noilojning to'kilgan yoshi
Va ayovsiz uzilgan boshi,
Xonliq davri, sendan xafaman.

Nahot anglamading dardlaring?
Aqlingni ham yopdi gardlaring,
Xo'ning ko'p, qani mardlaring?
Xonliq davri, sendan xafamani!

Arazlashga sig'moqda haddim,
Sen tufayli bukilgan qaddim,
Tarixingni o'qib aytaman –
Xonliq davri, sendan xafamani!

ORQADAGI DUSHMAN

Tikka otlsaydi qurollardan o'q,
Naq yurakka tegsa, sachrasa qoni.
Ruhimni sil qildi dilidagi og'riq,
Ilganing uchida turibdi jonim.

Meni tamom qildi ortimdan fasod,
Yelkamda zaharli tillar sanchilgan.
Meni yengolmadi mardona qasos,
Ammo ig'volardan dilim yanchilgan!

A'ZAM O'KTAMGA

Ixlosim so'lgandi tamoman, besar,
Yuraksiz shoirilar ko'payib ketgan.

Haqiqatdan boshlar she'r yozar bo'lsa,
Ammo haq uchrasa, o'tadir chetlab.

Dil tilida yozmas, yozgani boda,
So'zning uvolidan tortmas sira g'am.
Tutun, tamakiga bursigan xona
Va she'rilar yozadi alahsitragan...

Uyg'oq qalblarga hech yetmaydi kuchi,
Aljibroq so'zlardan topmadim ma'ni.
Yozmas jaholatdan uyg'otmoq uchun,
Uxlamoqqa chorlab yashar ommani.

Chandon zerikkandim nazm chohidan,
Toki topgunimcha A'zam O'ktamni.
Kirdim she'riyatning gulgun bog'iga
Xush hidga to'ldirib sanchiq o'pkamni.

Ilk bora ko'rdim men nazmning kuchin,
She'rilar yozib qog'oz yondirgan qo'lni.
*Ketarda yengilroq jon bermoq uchun,
Tanlab yashadingiz og'irroq yo'lni.

Shoirga shundayin mardlik kerakdir,
Sobit qololadingiz muslim ahdidida.
Mudrab, g'afflat bosgan qancha yurakni
Uyg'otib ketdingiz sahar vaqtida!

TAQDIR

O'rtamizdan o'tmasdi qil ham,
Sir yo'q edi qolmagan ochiq.
Izlar o'tdi qing'ir yo'l bilan,
Kuzlar keldi oramiz ochib.

Sendek hech kim sevmasdi, bildim,
Men hech kinga bermay sevdim, lek.
Yo'l so'ngini orzular qilib,
Yarim yo'lda yomon ayrildik.

Cheksizlikda tugardi manzil,
Bo'yumizda ishq tumor edi.
O'rtamizdan o'tmas edi qil,
Faqatgina taqdir bor edi...

SHOIRNING ONASI!

Asli maqtovlarga loyiq zotdir u,
Bolan deb, oqargan sochin tolasi.
Elning yuragida yashaydi mangu
Shoirning onasi, shoir onasi!

Kokilin o'ynoqlab tong yeli esgan,
Kiprigi oydayin yuzini to'sgan,
U mehnat ayoli, mehnatda o'sgan!..
Shoirning onasi, shoir onasi!

Ezgulik, poklikka bog'lagan qanot,
Shonli buyuklarga bag'ishlar hayot,
Dunyoda eng oqil, eng olima zot
Shoirning onasi, shoir onasi!

Bolasi shoirdir qadamida gul,
Shon-shuhratga o'ch, maqtovlarga qul.
Shaharlik o'g'lini sog'inar nuqul
Shoirning onasi, shoir onasi!

Dilbandin yozgani doim oq baldog,
Tannoz xonimlar-u, birda qizg'aldog,
She'rlarin o'qiydi qo'llari qadoq
Shoirning onasi, shoir onasi!

Yo'l poylab ko'zlari intizor bo'lar,
Ilgaribandi uchun jon nisor bo'lar,
Sodda va kamtari, xokisor bo'lar
Shoirning onasi, shoir onasi!

SENI DEB...

Sen meni sevmaysan, beparvogina
Yurasan hattoki xayolda yolg'iz.
Qarab tur, men mag'rur saqlayman gina,
Alamni poyingga cho'ktiraman tizi!

Gaplarim havoyi, ahdlarim eski,
Amallim mujmalroq, qalamim keskir,
Dunyoni bir kuni titratib zir-zir,
Qalamni poyingga cho'ktiraman tizi!

Yurakda rad bo'lgan buyuk bir his bor,
Tilimdan chiqolmay titraydi izhor,
Barcha alam uchun, sen uchun yuz bor
Olamni poyingga cho'ktiraman tizi!

MUHABBAT

Nigohlar to'qnashdi, kesishdi dillar,
Yurakka yashindek urildi bir his.
Qarashlar o'tlidir, bezabon tillar,
Dengizday qalbingga quyiladir ishq.

Taqdir qonunlarin beomon buza,
Muhabbat – shundayin olovli g'ussa.

Dunyolar to'xtadi, vaqt goldi muzlab,
Oltin daqiqalar chetga surindi.
Muallaq qalqigan sog'inchlar uzra
Yorning jozibador aksi ko'rindi.

Nahotki, ko'ngilni olamdan uzsa,
Muhabbat – shunday bir ilohiy g'ussa.

Yetishmoqlik orzu, visoldir totli,
Qonimda ilohiy oqadi baxtlar.
Izhor xushmuomala, til iltifoti,
Go'zallik oldida chekinar vaqtlar!..

Qaniydi, umrbod safarin cho'zsa,
Muhabbat shundayin chiroyli g'ussa.

Rashk o'ti kuydirar, hijroni alam,
Dardning vazni zildek – og'ir xarsangtosh.
G'ami dunyo qadar sig'magan bir g'am,
Hirgina daldasi – ko'zyoshdir, ko'zyoshi!

Qaqragan qaroqqa tomchilar tizsa,
Muhabbat – alaml, azobi g'ussa.

Apratmas, tanlamas shohmi yo gado,
Shart o'rar qalbini sevgiga mang'u.
Ibu lutfdir, karamdir, bu Haqdan ato,
Muhabbat – had bilmas, qalb bilmas tuyg'ul..

Muhabbat – bu baxtdir, muhabbat – bu dard,
G'ussadir boshidan oxiri qadar!

Hayotga kelbman ulg'aydim, o'sdim,
Olloh berganidan yo'q kam-u ko'stim,
Umr asov otdir, tugasa marra,
Bitta qiyomatlik yo'q ekan do'stim!..

O'SHANDA HAM QOR YOG'AR EDI...

O'shanda ham qor yog'ar edi,
Yer o'ralar edi oqlikka.
Sevgimizni allalar edi
Dilimizni chulg'ab poklikka.

Xayol surib, biz baxtdan sarxush
Visol g'olib ishq maydonida.
Turgan kabi ikki murg'ak qush
Berkingandik dil ayvonida.

Go'zal bezab olamni butkul,
O'rar edi Naqqosh vigorga.
Sevgimizni isbotlab nuqul,
Ismimizni yozardik qorga.

Men ham jimman, sen ham uyatchang,
So'zsiz boqib ko'zlarimizga.
Malohatin oshirib harchand,
Qor yog'ardi yuzlarimizga.

Nelarnidir sezgandek bo'lib
Uvillardi o'rtada ayoz.
Urilardi quloqqa kelib
G'ammi eslatguvchi bir ovoz.

E'tibor ham qilmasdik hatto,
Qordan bo'lak hech qanday hisga.
Tugamasi sevgimiz, ammo
Qor tushardi sekin-ohista.

Sekinladi, visol ham tindi,
Qaytish yo'li ko'rindi qing'ir.
Qor yoqqanda kelmassan endi,
Ayriltiqdan so'z ochdi taqdir.

Sensiz qoldim dil ayvonida,
Yurak yig'lar ko'nikmay-ko'nmay.
Ko'kdan Xarob ishq maydoniga
Bugun ham qor yog'moqda tinmay.

Ammo men yo'q, sen ham bor emas,
Lekin hislar abadiy uyg'oq.
Bizga qorlar zor qolgan emas,
Sevgimizga turibdi chanqoq.



ESKIRGAN UMD...

Olisdasan, juda ham olis
Olib ketgan yuragimdasan.
Endi men bir toshdli, yuraksiz,
Qovurg'am-la ichaymi qasam?

O'chmas edi yoding yodimdan,
Ranijing meni ko'ngandi g'amga.
Sen yor bo'lib ketding yonimdan,
Begonadek qaytding olamga.

Endi dunyo yonsin o't bo'lib,
Yuragi yo'q bitta oshiqqa.
Kuygan dilda yaradek do'nib,
Men yot bo'lib yuribman ishqqa.

O'x, azobdir gulxanda yashash,
Do'zax tashlab ketding arshimga.
Men yoningga borsam qachonki,
Sen yor bo'lib chiqdin qarshimga.

Qutqar meni otash qa'ridan,
Yuragimni qaytarma yoki.
Do'zax misol dunyoda yorga
Birov bo'lib yasharman tokay?

OQ YO'LI

Mendan ketmoq istasang, oq yo'l,
Ketma, deya tutmam qo'lingni.
Sen quyoshdan uzoglashyapsan,
Xudo yorug' qilsin yo'lingni.

Ketmog'ing-chun ochaman eshik
Yuragimning qat-qataridan.
Sen shunchaki yo'lovchi bo'lib
Ketding ishqning bekataridan...

Demak, loyiq emassan ahdga,
Manzillga yetmaydi shoshgan.
Ko'zimni aldagan baxtnas,
Ishq degani aslida boshqa.

Senga ko'ngil bermoqlik xato,
Seni sevmog' buyuk telbalik.
Ildim, sen bir dardi bedavo,
She'r ham senga oddiy ezmalik.

Bir kun aqling anglab yetganda
Qarog'ingda to'lib ketga ko'l,
Qalbing baxtni tusab qolganda
Qaytib kelma, omon bo'l, oq yo'li

SEVGI

*Qanday shirin bu baxt, bu safo,
Shunday achchiq bu dard, bu jaf.
Ko'zyosh bilan tugaydi, ammo
Tabassumdan boshlanar sevgi.*
Iqbol MIRZO

Nigohlarni hayratga solib,
Yuraklarga to'kilar mehr.
O'zga dilga bog'laydi dilni
Ko'kdan kelgan ilohiy sehr.

Dunyo go'zal bo'lib ketadi
Ikki yuzda gullasa kulgi.
"Yurakchadan" boshlanmaydi ishq,
Tarovatdan boshlanar sevgi...

Oldi-qochdi, bor tuyg'ularni
Qalbdan butkul sidirib tashlab,
Oliyjanob, yuksak hislardan
Yurak tamom o'zgacha yashnar.

O'zni butkul sezasan sokin,
Yuraklardan kelmaydi jilging.
Xalos bo'lib asriy g'amlardan,
Halovatdan boshlanar sevgi.

Ko'ngilga quvonch etar baxshida,
Hir boshqachda otadi tonglar.
Bu dunyoni o'raydi, ishon,
Faqat, faqat kamalakranglar.

Xayollari orzu ulashar,
Ko'zlarida samimiy belgi.
Hozirg'ida kamtarin mehr -
Muruvvatan boshlanar sevgi...

Quyiladi tilga izhorlar,
Sekin gulga o'ralar ravon.
Yanoqlari hayodan porlab,
Pichirlaydi lablar xushzabon.

Hozir, endi o'qlar afsun,
Javob kelar yuzlardan gulgun.
Hadya etib go'zal tabassum,
Halovatdan boshlanar sevgi.

Hadodatga qo'yilar imzo,
Ishonch tilga sololadi g'ayrat.
Endi dilga kirib keldi ishq,
K'utqolga aylandi hayrat.

Oh, nigohlari kesishar bir zum,
Dunyo unar, dunyo qolar jim,
Ko'zlarida ko'rib Robbisin,
Hidayatdan boshlanar sevgi.

TUSHLARIMGA KIRIB...

Tushlarimga kirasan har kun,
Ko'zingda yosh, dilingda alam.
Jim yig'laysan, turasan beun,
Nigohingni ishg'ol etar g'am.

Sog'inding-a, juda ham, erkam,
Buni ko'zlaringdan sezaman.
Hayotimdan ketgan bo'lsang ham,
Tushlarimda ma'yus kezasan.

Ko'zlarimni sog'inib kelib,
O't qo'yasan havslaringga.
Uzmay nigohimga termilib,
To'ymayсан hech nafaslaringga.

Ko'zlarimni yumsam-u, deymam,
Tush bo'lsa ham erkalab, suyib
Tushlarimda sevasan faqat,
Hayotingdan yo'qotib qo'yib.

Nega faqat yig'layverasan?
Ta'birlarga yetmaydi kuchim.
Ammo har kun ichim yonadi,
Tushda ko'zing namligi uchun.

G'urur qurg'ur yo'limizga g'ov,
Sog'inch qly nab tashladi meni.
Milasam, har kun tushimdan
Tortib olgim keladi seni.

HASRAT

Ozular to'kilib tushmoqda yerga,
Kotiram aylanar bir yirtqich sherga,
Bevgimdan mast bo'lib men bilan birga,
Ishqindan quvonchga to'lmashliklaring,
Endi meni xayol qilmasliklaring.

Arazim, g'arazim ketar qo'llanib,
Bevgimiz armonga qolar yollanib,
Bochlaringni siltab, mag'rur sollanib,
Ko'zimni yoshlaydi kelmasliklaring.

Umidlar uxlaydi dilda intizor,
Keltirib baxt menga, ketmoqliging or,
Sening qovog'ingdan to'kilmogda qor,
Ko'nglimni g'ash qilar kulmasliklaring...

UCHRASHUV

Keldim. O, sochlaring yo'llariga yoz,
Zulflaring gajakdir, tutgil doringni.
Qattol sog'inchlardan olamiz qasos,
Bo'ynidan quchib ol Sarbadoringni!

Masih iforlaring puflla ruhimga,
Ko'ksingdan chiqargil o'ti quyoshing!
Tashnaman, yashnaman sensiz, gulobim,
Changqoq hislarimga malham ko'zyoshing!..

Kirdim ko'zlaringning qaroqlariga,
Tikilib to'kilgil hozir istasang.
Men esam qovushib yaproqlaringga,
Lablarim gullaydi isming eslasam!

Menda ham bor edi ming yillik sabr,
Toki solgunicha zulfing sirtmoqqa.
Olib ketmoq uchun men keldim, oxir,
Yuragim tubiga tutqun qilmoqqa!

Sendaman!
Sochlaring barmoqlarimda,
O'rtada ayovsiz tashnalik tindi.
Ichimda o'chmas shu haroratlardan
Menda yurak bo'lib yon, axir, endi!

MENI ESLATAR

Tamom, yo'llar oxirga yetgan,
Armon dilni qahraton etgan,
Qor ustida qo'shilib ketgan
Izlar bir kun eslatar bizni.

Qasamlarda suzadir vafo,
Sog'inch bo'lib elanar navo,
Quloqlarga shivirlangan, o,
So'zlar bir kun eslatar bizni.

Duch keladi har kuni neder,
Azobingiz qulochi kengdir,
Muhabbatga tegishli har bir
Huslar bir kun eslatar bizni.

Har poyonda bitta alvido,
Har qadamda bitta intho,
Azoblardan sarg'aygan daho
Kuzlar bir kun eslatar bizni.

To'rt faslga tatigulik oh,
O'rtab yashar bir umr sizni.
Holangizga termulasiz goh,
Ko'zlar bir kun eslatar bizni.

YURAGINGIZ TOSHMI

“Yuragingiz toshmi?” desam, meni sevgan,
Shuncha shirin so'zlar bugun essiz ketdi.
Holsiz yurak bir bor sevib o'zi kuygan,
Yana takror muzlar bugun, sizsiz ketdi.

Baxtlar to'la, ahdlar to'la bag'rim bo'shab,
Qimtnasiz, jim, zabonsiz gungga o'xshab,
Poyingizga hijronlardan barglar to'shab,
Mahzun boqib kuzlar bugun sizsiz ketdi.

Qo'l siltadim barchasiga, osmon cho'kdi,
“Ketdim” dedim, bulutlari yoshin to'kdi,
G'ussa oxir bardoshim va qaddim bukdı,
Zangor-zangor yuzlar bugun sizsiz ketdi.

Kipriklarda tuzildi g'am jolalari,
Yuragimda uzildi ishq tolalari,
Tinglab diling hazin-hazin nolalarin,
Xiyobonda izlar bugun sizsiz ketdi.

Ko'ksingizga bir tig' urdim, bizdan ozor,
Bir yigitcha olislarga hissiz ketdi.
Sizsiz yetdi ishqqa shikast, go'zal dildor,
Dili pora qizlar bugun bizsiz ketdi...

“Yuragingiz toshmi?” desam, meni sevgan...

ISHQ

Men bu dunyolarga g'aribdan-g'arib –
tillinga dil izlab kelib qolganman.
Yuragim tubdan hikmat axtarib,
Men seni Xudodan so'rab olganman!

Qalbimni yoritgin, qalbim tundur, deb,
Ichimda islossiz gulni so'ldir, deb,
Yurakka hildoyat nurin to'ldir, deb,
Men seni Xudodan so'rab olganman!

Ruhim Majnun kabi yurganda daydib,
Har kuni tushlarda ismingni aytib,
Sen ming bor ketganda, ming bora qaytib,
Men seni Xudodan so'rab olganman!

Ma'an otlalarda sog'inchini sizlab,
Qalbing soyasida yurardim tizlab,
O, muzday qalbingdan shafolat izlab,
Men seni Xudodan so'rab olganman!

Mana, sen keling, men hayratda goldim
Kuddi g'arib odam topgandek oltin,
Hah, ishonmassan, bariidan oldin
Men seni Xudodan so'rab olganman!

MUNDARIJA

Hallima Ahmad. Niyati ezgu qalankash.....	3
O'rindiq.....	5
Axir, bugun sen tug'ilgan kun.....	7
Ketdim.....	8
Uzrdan keyin.....	9
Tanlov.....	10
Ona qishloq.....	12
Bolalik.....	14
April.....	15
Vatan qolar.....	16
Yoningga.....	17
Ulug' tog'.....	18
Jannat isti kelar sizdan, onajon!.....	19
Hayrat.....	20
O'zbekning qizlari.....	21
Afsus.....	22
Salomni unutdim.....	23
21 yoshingga.....	24
Otamga.....	25
Sen.....	26
Bir kelib ket.....	27
Birinchi marta.....	28
Ko'nglimdagilar.....	30
Birovga ishonib bo'lmaydi.....	31
Iroda.....	32
Kechikkan she'r.....	34
Dengizni sevasan.....	36
Sizmasmidingiz?.....	37
Tilak.....	37
"Ishonchdan asar yo'q dilda zig'ircha.."	37

Shahar monolog.....	38
Harbiy.....	39
Mudrin o'zbekimiz.....	40
Jangda bo'lgan kuzatlar doim.....	41
Konchilik.....	42
Engashga dushman.....	43
Avam o'rtamga.....	44
Yaqin.....	45
Shahar monolog.....	46
Shahar monolog.....	47
Shahar monolog.....	48
Shahar monolog.....	49
"Shahar monolog....."	50
Shahar monolog.....	52
Shahar monolog.....	53
Shahar monolog.....	54
Shahar monolog.....	56
Shahar monolog.....	57
Shahar monolog.....	58
Shahar monolog.....	59
Shahar monolog.....	60
Shahar monolog.....	61

QIZILBOYIN RESPUBLIKASI
TASHKILAT VAZIRLIGI
DAVLAT PEDAGOGIKA INSTITUTI
AKHBOHOT RESURS MARKAZI

8.145 80m

UO'K: 821.512.133-1(081)

KBK: 83.3(50'zb)

E 45

E 45

Elbek o'g'li, Niyatillo.

Ko'nglindagilar [matn]: *she'rilar* / N. Elbek o'g'li.
- Toshkent: "Adabiyot" nashriyoti, 2020. - 64 b.

Adabiy-badiiy nashr

NIVATILLO ELBEK O'G'LI

KO'NGLINDAGILAR

She'rilar

Muharrir: D. Mingboyeva

Badiiy muharrir: F. Ermatov

Sahifalovchi: N. Soatov

Musahhirlar: Sh. Hakimova

O'zbekiston Yozuvchilar uyushmasi
"ADABIYOT NASHRIYOTI" MCHJ

Nashriyot litsenziyasi: AI № AA 0043. 27.01.2020.
100129, Toshkent shahri, Markaz-15. 1/90.

☎ (98) 128-30-04.

Bosishga 20.12.2020-yilda ruxsat etildi:

Ofset qog'oz. Qog'oz bichimi: 70x90¹/₃₂

Ofset bosma. Hisob-nashriyot t. 2,0.

Adadi: 5000 nusxa. Buyurtma №370.

O'ZBEKISTON RESPUBLIKASI
OLIIY VA O'RTA MAXSUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI
1-FILIAL

"AMIR NASHR PRINT" MCHJ boshmaxonasida chop etildi.
100200, Toshkent shahri, Adham Rahmat ko'chasi, 10-uyl.